

- (2) *Etiā Parvi nonnunquam dominantur, Deo sic dirigente, magnis atque multis.*
- (3) *Ordinem Deus instituit in statu etiam politico, quoad Principes; ceteri præfectos, v. IV, præc.*
- (4) *Quod in V. T. erant Tribus, hoc in N. T. sunt nationes orbis singule, quotquot à Semò, Chamò ac Japhe-to sunt profectæ Pf. CXVII, 1. seqq.*

USUS E VERSU XXIX.

- (1) *Dei promissa sunt infallibilia; quicquid pollicetur, hoc præcipit cum effectu: Pf. XXXIII, 9.*
- (2) *Deus est etiam Messie nostri Deus: Pf. XLV, 8. CX, 1. Joh. XX, 17.*
- (3) *Robur Messie victoris est divinum, quo serpenti conculcavit caput: Gen. III, 15. Matth. XXVIII, 18. XI, 27. Psal. VIII, 7. regnumque sic adeptus est insuperabile: Dan. VII, 14.*
- (4) *Quod semel operatus est Deus in nostri gratiam, id consummabit etiam gloriose: 1. Corinth. I, 8. 9. X, 13. Phil. I, 6. II, 13. 1. Petr. V, 10. Joh. XV, 5. Ebr. XII, 2.*

USUS E VERSU XXX.

- (1) *Templi Salomoni decus sistit nobis ecclesie N. T. præcellentiam ineffabilem, ratione bonorum privilegiorumque spiritualium.*
- (2) *Ecclesie dignitas multos in ætate à Christo nato devinxit sibi reges ac magnates.*
- (3) *Munera efferenda sunt Regi non tam terrena atque visibilia, quam spiritualia, h. e. cor contritum ac fidele, victima totius corporis irreprehensibilis, &c. Roman. XII, 1. seqq. Jef. LXVI, 20. LX, 6.*
- (4) *Neque tamen cessare debet beneficentia erga indiga Christi membra exercitium, siquidem bis offerendi cibi, potus, vestes, nummi, &c. Ebr. XIII, 16.*

USUS E VERSU XXXI.

- (1) *Hostes ecclesie assimilantur hic Crocodilis, tauris vitulisque ferocientibus, conculcantibus, &c. Sunt illi & invisibiles & visibiles. Excellit in his Antichristus. 1. Joh. II, 18. IV, 1.*
- (2) *Increatorium Dei verbum prostermit cum eam vim hostium formidandam: Pfalm. XVIII, 16. LXXVI, 7. CIV, 7.*
- (3) *Noli imitari hostium proterviam, violentiam, avaritiam inexplebilem, inquietudinem, belli amorem, &c. Beati pacifici, Matth. V, 9.*

USUS E VERSU XXXII.

- (1) *De conversione gentium elegans b. l. textus. Ex hostibus sunt cultores devoti ac benefici.*
- (2) *Ægyptus & Æthiopiâ, tanquam vicina Israeli*

religiones, complectuntur universas etiam nationes orbis reliquas.

- (3) *Porrigitur Deo manûs, quando subjectionem contestamur modis omnibus, homagium præstantes, adorantes, offerentes, &c.*

USUS E VERSU XXXIII.

- (1) *Mundi regna nunquam in V. T. cantarunt Deo vero: nunc vero in N. T. id per mundi partes observari liceat passim. Conversio gentium, Gratia universi.*
- (2) *Canimus Deo, agnita ejus unitate, bonitate, veritate, &c. v. II, præc.*

USUS E VERSU XXXIV.

- (1) *Deus pro liberrima voluntate, instar equitis facilimè fortiterque equum dirigentis, moderatur universa, summa, ima, magna, parva, &c.*
- (2) *Immensa cælorum capacitas, quam vix assequi potest humana industria, immensitatem Creatoris docere potest incomprehensibilem: taceo lucem, influentiam, ordinem, motum celerrimum, &c: quæ omnia glorie divina monumenta fortissima.*
- (3) *Antiquitas cælorum colligere quodammodo nos jubet de æternitate Numinis, initio ac fine penitus carentis.*
- (4) *Vox Dei robusta, imperans nibilo in creatione, ut fieret aliquid, (Ebr. XI, 3.) deprehenditur bodieque in evangelii præconio, corda hominum flecente insigniter, Rom. I, 16. 1. Cor. I, 15. Psal. XXIX, 3.*

USUS E VERSU XXXV.

- (1) *Ad Deum, ceu fontem omnium, referri debet robur universum, & animatorum, & inanimatorum, &c. Huic tribuitur corde atque ore celebrante, confitente, &c.*
- (2) *Quicumque igitur de proprio, vel animi vel corporis, robore gloriatur, is Deo subtrahit honorem debitum, diabolique fit affecta, &c. v. I, præc.*
- (3) *Excellentia & majestas Dei rectè demum agnoscitur in ecclesia, vel apud Israëlem verum.*
- (4) *Omnipotentia tam in terris, quam in æthere conspicua evidentissimè.*

USUS E VERSU XXXVI.

- (1) *Timor ac reverentia unice debetur Creatori ac Redemptori Domino. v. I, præc.*
- (2) *Sanctuarium complectitur universa, quæ ad cultum Dei pertinent genuinum. Hunc qui sincerè observat, verè demum Deum revereri incipit.*
- (3) *Fortitudinem, qui veram ac cælestem desiderat, à Deo distributore impetret, necesse est: 1. Petr. V, 10.*
- (4) *Laus omnis atque benedictio referenda Deo indefinenter: Ephes. V, 20.*

PSALMI LXIX. DISPOSITIO.

Oppressorum consolatio. Vita Christi & Christiani mera passio. Patientis Christi preces.

IN hac Messie patientis precatatione anxiam observetur
 I. Petitio tum prima: *salvum me fac Deus: v. 2.* Rationes adducuntur (1) periculi magnitudo: *aquæ venerunt ad animam: ibid.* (2) *infixus sum luto profundo; ut consistere prorsus nequeam: v. 3.* (3) *suffocationi sum proximus; ibid.* (4) *vox rauca propediem cessabit: v. 4.* (5) *oculi post diuturnam adeo circumsp*

inspectionem deficiunt: ibid. (6) *hostium meorum copia est innumerabilis: v. 5.* (7) *ad restitutionem non raptorum adigor: ibid.* (8) *ingenua est mea Confessio: tu Deus nostri stoliditatem & delicta mea: v. 6.* (9) *periclitantur mecum sperantes in te, ne erubescant confusi: v. 7.* (10) *Ignominia ingens inferatur mihi propter te: v. 8.* [II] *Deseror à proximo: v. 19.* [12] *Zelus domus tue me consumsit:*